

# Ang Simple Nga Plano Sang Dios Sa Kaluwasan Sono Sa Nahaunang Sulat ni Juan

## Pagpakilala

Maathag nga nagasiling ang Bibliya nga sugurado nimo nga mahibaloan nga kung ikaw mapatay pwede ka magakadto sa langit. Ang pamangkot, nagapati ka bala sa ginasiling sang Dios sa iya polong.

1 JUAN 5:13 Ini ginsulat ko sa inyo nga nagatoo sa ngalan sang Anak sang Dios, agud nga mahibaloan ninyo nga nakabaton kamo sang kabuhi nga walay katapusan, kag kamo magatuo sa ngalan sang Anak sang Dios.

## 1. Kay tanan kita makasasala!

Indi sang mabudlay batunon nga kita tanan nakahimo sang mga butang nga indi sang maayo, apang ginahimo naton ini sila. Ini ginatawag nga sala! Nakasala kita sa sini kag ginahimo ta ini gikan sang gintawo kita.

1 JUAN 5:16-17 kon ang bisan sin-o makakita sa iya utod nga nagapakasala sing sala nga indi sa kamatayon, magapangayo sia, kag ang Dios magahatag sa iya sing kabuhi tungod sa mga nagapakasala nga indi sa kamatayon. May sala nga sa kamatayon; indi nahanungud sina nagasiling ako nga magpangamuyo ang isa. 17 Ang tanan nga pagkadimatarung sala, apang may sala nga indi sa kamatayon.

1 JUAN 3:6 Ang bisan sin-o nga nagapabilin sa iya wala nagapakasala; ang bisan sin-o nga nagapakasala wala makakita sa iya ukon nakakilala sa iya.



**Kay tanan kita makasasala!**

## 2. May bayad ina nga sala!

1 JUAN 5:19 Nahibaluan ta nga kita iya sang Dios, kag ang bug-os nga kalibutan yara sa gahum sang malauton.

1 JUAN 5:12 Ang nakabaton sang Anak may kabuhi; ang wala makabaton sang Anak walay kabuhi.

1 JUAN 3:15 Ang bisan sin-o nga nagadumot sang iya utod manugpatay, kag nakahibalo kamo nga walay manugpatay nga may kabuhi nga walay katapusan nga nagapabilin sa iya.

### **3. Si Jesus napatay kag nagbayad sang aton mga sala sa cruz!**

1 JUAN 4:10 Sa sini amo ang gugma, indi nga ginhigugma ta ang Dios kondi nga ginhigugma niya kita kag ginpadala ang iya Anak nga katumbasan sang aton mga sala.



### **Si Jesus napatay para sa mga makasasala!**

1 JUAN 4:2-3 Sa sini makilala ninyo ang Espiritu sang Dios; ang tagsa ka espiritu nga nagatu-ad nga si Jesu-Cristo nakaabot sa unod iya sang Dios, 3 kag ang tagsa ka espiritu nga wala nagatu-ad kay Jesu-Cristo nga sia nag abot paagi sa unod indi iya sang Dios; kag ini amo ang espiritu sang anticristo, nga inyo nabatian nag magaabot, kag karon yari na ini sa kalibutan.

1 JUAN 5:11 Kag ang panaksi amo ini, nga ang Dios naghatag sa aton sing kabuhi nga walay katapusan kag ining kabuhi yara sa iya Anak.

### **4. Dapat ibutang mo ang pagtoo kag pagsalig kay Cristo lamang!**

IJUAN 5:14-15 Kag ini amo ang pagsalig naton sa iya, nga kon magpangayo kita sing anong butang suno sa iya kabubut-on nagapamati sia sa aton. Kag kon nahibaloan ta nga nagapamati sia sa aton sang bisan ano nga aton ginapangayo nahibaloan ta nga nabaton naton ang mga pangabay nga ginapangayo ta sa iya.

MGA TAGA-ROMA 10:9-10,13 bangud nga, kon itu-ad mo sang imo baba nga si Jesus Ginuo kag magtuo sa imo tagiposoon nga ang Diyos nagbanhaw sa iya, maluwas ka. Kay sa tagiposoon ang tawo nagatoo nga sa pagkamatarung, kag sa baba ang pagtu-ad ginahimo nga sa kaluwasan... Kay, “ang bisan sin-o nga magtawag sa ngalan sang Ginuo maluwas.”



## **Ibutang Naton Ang Pagtoo Kay Cristo Lamang!**

*Kung gusto mo gid mahibal-an sang sigurado subong dayon nga ikaw makakadto sa langit, pangamuyoa ining pangamuyo nga hugot sa imo tagiposoon.*

**Ginoong Jesus,**

**Ginaako ko nga ako makasasala kag dapat ako ihaboy sa impierno, pero Ikaw napatay sa cruz, ginlubong kag nabanhaw sa ikatlo nga adlaw. Nagapangayo ako sang patawad sang akon mga sala. Ginabaton ko Ikaw bilang akon Dios kag personal nga Manluluwas. Nagatoo ako nga luwason Mo ako kag paga dal-on Mo ako sa langit kung ako mapatay. Amo ini ang akon pangamuyo sa Ngalan ni Cristo Jesus. Amen.**

**Kun gin pangamuyo mo ina nga pangamuyo- suno sa Polong sang Dios- IKAW LUWAS!  
HALLELUJAH!**

Magsiling ka, wala ako sing may nabatyagan nga lain. Ang imo kaluwasan wala naga depende sa imo balatyagon. **INI TANAN NAKADEPENDE SA DIOS!**

Ang Dios nagsiling nga ikaw luwas kun nagbaton ka kag nagsalig kay Jesu Cristo. Lantawa, wala ini nagsiling nga “basi” maluwas- apang “MALUWAS.” **IKAW LUWAS!**

Kay nagsiling ang Kasulatan, "Ang bisan sin-o nga magdangop sa Ginoo maluwas." **MGA TAGA-ROMA 10:13**

Lantawa ang ginasiling sang Juan 3:36! Ini nagsiling nga “MAY KABUHI NGA WALA SING KATAPUSAN! Indi sang “basi” ukon “tani”- **APANG MAY- IKAW LUWAS!**

Sia nga nagatoo sa Anak may kabuhi nga walay katapusan: kag sia nga wala nagatoo sa Anak indi makakita sang kabuhi; apang ang kasingkal sang Dios nagapabilin sa iya. John 3:36  
Abyan, kung ikaw nagpangamuyo sang pangamuyo kag nagbaton kay Jesu Cristo- **IKAW LUWAS!** Ginhimo mo ang siling sang Dios- **KAG ANG DIOS WALA NAGABUTIG!**

Kag amo ini ang nagahatag sa aton sing paglaom nga kita may kabuhi nga wala sing katapusan. Sa wala pa ang kalibutan, nagpromisa na ang Dios nga hatagan niya kita sang kabuhi nga wala sing katapusan, **KAG ANG DIOS WALA NAGABUTIG** ; Titus 1:2